



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ასამი

ასამი, კამბეჩოვანის მთავარი VI ს. II ნახევარში. სუმბატ დავითის ძის მიხედვით, ქართლის ერისმთავრის გუარამის ძმა. ა-ის გამთავრება კამბეჩოვანში ირანელთა წინააღმდეგ მიმართული აჯანყების შედეგად მოხდა. ა-მა და მისმა ძმამ ვარაზვარდმა „გარდაუქციეს ერი“ (აუჯანყეს) შაჰის ირან. მოხელეს ვებან ხორნაბუჯის ერისთავს, მოკლეს იგი და თვით დადგნენ მთავრებად. ამ აჯანყებას კამბეჩოვანში ირანელთა ბატონობის დამხობა მოჰყვა.

წყარო: სუმბატ დავითის ძე, ცხოვრება და უწყება ბაგრატიონიანთა, წგ.: ქართლის ცხოვრება, ს. ყაუხჩიშვილის გამოც., ტ. 1, თბ., 1955.

ლიტ.: პ ა პ უ ა შ ვ ი ლ ი თ., ჰერეთის ისტორიის საკითხები, თბ., 1970.

თ. პაპუაშვილი
